

八瓊室金石補正

第二九册

K8  
10



八瓊室金石補正卷五十七

太倉陸增祥撰

男 繼輝校錄

吳興劉承幹覆校

唐二十九

雲麾將軍李秀殘碑

天寶元年正月  
萃編載卷八十五

不榘

缺榘字

都督令德□仁

缺令德仁三字

搢□考

搢誤

讀書

誤讀

詩

內侍陳令望造心經

高一尺九寸廣一尺四寸五分十五行行廿字  
末行廿五字字徑六分正書在房山石經洞

潁川陳公蜜多心經碑

在上

般若波羅蜜

下缺

天寶元年四月八日河北道宣慰使朝散大夫守內侍陳令望造

新唐書地理志河北道有採訪使而無宣慰使此因

事立名以內官為之

平津讀碑記

兗公之頌

天寶元年四月廿三日萃編載卷八十五

儒墨

儒作儒

水鏡

水誤水

猶是

是誤寔

愧仲

愧誤懷

碑云服膺蟻術禮記蛾子時術之釋文云蛾或作蟻此作蟻術尙是六朝舊本又云刻鶴見嗤刻鶴即刻

鵠古字通

平津讀碑記



靈巖寺碑

碑已斷缺高無攷廣三尺八分存兩石上截廿一行十九至廿二字不等中截存十三行行九字至十八字不等字徑九分許行書在長清

靈巖寺碑頌并序

靈昌郡太<sub>下</sub>缺

邕以法有回福有象故得真僧戾心神人告祥宜<sub>下</sub>或

真空以悟聖或密教以接凡謂之靈巖允矣真<sub>下</sub>晉宋

之際有法之禪師者景城郡人也嘗行蘭若<sub>下</sub>若是者

歷年禪師以勞主人逝將辭去忽有二居士<sub>下</sub>建立僧

坊宏宣 佛法識者以為山神耳回<sub>下</sub>夫山者

上之至厚谷者虛之至深水者曰定而清林下貝菜之

經衡岳廓蓮花之會獨人存法立事著名揚下空知乎

辟支佛牙灰身起塔海龍王意貿金中志尤下見

□下則有下仍舊昔者州將厚具邑吏孔威廣□支

供多供器物缺三字□□賜缺二解脫禪師以杖叩力士

脛曰令尔守下而送之仍施綰五十匹□若武德阿閣

儀鳳堵波空二格缺一字福削平之初乃發 宏願 高宗

臨御之後克下光堂大悲之修舍利之□報身之造禪

祖之崇山上燈缺二功字內舍那之搆□身鐵像次者

三軀大□金剛下增表遠而□也雲霞炳煥於丹霄即

而察之日月照明

缺二字

道此皆

帝王之力捨以

國財龍象之

缺下

竭慈□□容植之不生汎於

草間穢於壠上職由□

缺一字

保衆發慮道摧打清淨之

田解昏迷之縛不然曷

缺下

律住持入慧之境恐繁文字

削筆杪於連章思廣闕遺刻

缺一字

陰於別傳大德僧淨

覺敬惟諸

佛言

□□

缺下

上座僧元景都維那僧

克祥寺主安禪或上首解空或出

缺一字

□義僧崇憲僧

羅暎僧零範僧月光僧智海僧□

缺下

等永言悟入大啓

津梁咸高梯有憑勝宅自照仍依俗諦

缺一字

豐碑宛委

昭宣宏長增益樾源失路迷秦漢而

缺下

天長其詞曰

倬彼上人巍乎曾嶺冥立福地神告

缺一二

爰口幽

居逝言遐騁窈用內照塵勞外屏

其一

宮歲時建置

今古齊同磴道邈迤霞閣吟瞻

其二

口

缺一効

靈觸類示相扶持淨域警誠州將延集

下

岳寺合之

國口岱之北阜蒲之西陘是人依法即事聯聲

缺一

二誰云與京

其四

碩德勤脩爽

下

栽轉覺

以拯斯萬

其五

大唐天寶元年歲次壬午

二

字月壬寅朔十五日景辰建

弟一千二百四唐靈巖寺頌李邕撰并行書天寶元

年

金石錄目

右靈巖寺碑斷缺存兩石一爲上截存百八十餘字一爲中截之左半存九十餘字計每行得四十二字以銘詞核之下截尙有十八字是碑共廿一行行六十字也碑有武德阿閣儀鳳堵波云云知寺實荆建於高祖添造於高宗云汎於草間穢於壠上云桃源失路迷秦漢而缺云爰□幽居逝言遐騁知元景結廬山谷非卓錫於寺中者當即在今魯班洞內故碑於其地出土也碑首標題下有靈昌郡太字太下是守字首句云邕以法有因蓋北海所撰書即趙德甫所著錄者新唐書李邕

傳云歷淄滑二州刺史地理志云滑州靈昌郡本東郡天寶元年更名百官志云上州刺史一人天寶元年改刺爲太守碑云靈昌郡太守傳云滑州刺史一也紀年壬午下缺二字是月壬寅朔案通鑑目錄是年十月壬申朔則壬寅朔當是十一月也新書元宗紀是年十一月己巳至自溫泉宮以此逆推之壬寅是十一月朔己巳爲二十八日月上所缺乃十一兩字也碑在魯班洞山左金石志據趙晉齋舊藏本錄之案無是書未克校勘陳壽卿何子貞兩前輩均搜及之均無下載至朱時齋

始搜得焉貞老嘗語長清令昇二石於學宮不果  
近聞洞口頽塌恐雖塞不得入果爾則顯者復晦  
矣北海書膾炙人口每有原石淪亡展轉撫刻世  
猶珍之此碑尙是當時上石久經湮沒椎搗無多  
故磨泐尙少雖殘損及半所愈多矣顯而復晦尤  
宜寶諸戊辰秋從貞老索得上截拓本越歲有自  
山左攜歸者介李仲雲轉覓之始獲足成焉山東  
通志載有靈巖寺碑云開元間梁昇卿書碑久無  
存未審所據或即斯碑之誤歟

實際寺隆闡碑銘

天寶二年十二月十一日

萃編載卷八十六

邊積缺邊字規作規下同全作全擅即那字誤航肥反井返芎反作芎芎

碑云雖已歸寂滅無待於褒揚然寵洽友于無忘於

縟禮似尚有兄弟官於朝惜碑不書平津讀碑記

天寶尊勝等咒

高一尺五寸六分廣一尺九寸五分廿七行行廿字字徑五分正書四周花紋極精在西安

佛頂尊勝陀羅尼呪

佛說無垢淨光大陀羅尼神呪

天寶三載歲次甲申二月十五日逮

宇文琬墓誌

高一尺六寸五分廣一尺六寸二分廿三行行廿三字字徑五分許正書



唐故河南宇文府君墓誌銘 并序

國子進士周环撰

在標題下方

宣德郎行左領軍衛長史曹惟良書

在末行下方

公諱琬字琬代郡武川人也炎帝為所出之先普回曰  
受符之祖則有定侯岳峙文皇龍躍承家翊魏開國稱  
周弈棗英華斯為盛矣曾祖洪亮皇靈州迴樂令祖楷  
皇綏州義合府左果毅父延陵皇朝議大夫授絳州司  
馬雖從事執掌而遊心澹泊垂裕積慶寔生我公洪惟  
執志謙默有質端偉義存展惠德不近名空素業能資  
乏絕狎朱門匪高軒冕事親孝而奉兄友訓家儉而育

子慈慕君平而取給欽仲長而不仕於是人倫遐矚聲  
芳坐馳族兄故黃門侍郎嘉而悅之曰而噐之而後朝  
選尙其不干祿能幹人之蠱匪帶財多克家之譽矢死  
不倦輸誠靡他嗚呼積善無據享年未永春秋六十一  
以天寶二載六月五日歿新昌里之私第其載十月廿  
日窆於萬年縣龍首原禮也盈里閭而悽慟及路衢而  
慙惻伯亡友季焉如已聳違外舅乎猶子感夫男明敏  
而趨德女柔麗而有則未畢婚娶如何憫凶夫人天水  
趙氏桃李猶春室家承式痛孀嫠而俄及念遺孤而無  
怙嗣子逃遂葺菴茹茶藜永違顏色既號天靡訴庶刻

石銘休知余先人之故也將悉其事能旌其德撫孤泣  
目敢不欽承雖荒唐無取申梗概而爲誌矣銘曰

和惠因心謙冲自得持身無玷睦親垂則其一昔爲英胄

今在齊人遐思赤族不慕朱輪其二投迹塵俗勞形奔走

和光葆真人先已後其三天乎不傭羅是鞠凶俄然永隔

仰心無從愁扁荒壠泣樹孤松異星霜兮長垂合問託

金石矣銘彼高蹤其四

誌云代郡武川人按元和姓纂云拔南環後魏大  
司徒居武川新唐書宰相世系表云目陳拔拔陵  
陵號阿諺若徙居代州武川微有不同所敘宇文

先世炎帝普回均見姓纂及世系表又云定侯岳  
峙按表阿若諺仕後魏都牧主開府儀同三司安  
定忠侯生系位至內阿干二子鞠阿頭而姓纂所  
述西魏大丞相大冢宰安定公者爲內阿干之孫  
恐係姓纂之誤抑西魏所封者襲爵而進侯爲公  
邪其云族兄故黃門侍郎者即宇文融也銘云今  
在齊人齊人者齊氓也避諱用人罹是鞠凶鞠凶  
猶言窮凶也詩作鞠訥鞠即籀字鞠鞠皆窳之假  
借訥者凶之假借

大奉國寺守忠龕記

高一尺廣一尺四寸六分廿二行行十七字字徑五分正書在洛陽存古閣

上京大奉國寺故□□龕□記

□□諱守忠俗姓高氏平陽郡人也□□生□□□

之□□子夏□□□□歿□□□□之□□大□□山

之□□夫溘粹履□□□□□□天□□素□□書□

通六義□□□□之□□□□□□□□郡□□

□□□□長安□□□□□□□□外有□□徵充

福先寺□□□□補□泉寺□□神龍初置奉□□

□□□□大聞□□□□□□金仙玉塵□人□□給

園祇樹上聖□□□□清厥心□□□□則□□持彼□









□□□退身周仁形志或雲□□□□□□□□□□

□□□無悔□□□□□□福永歸□□如也公駿疾炳靈不

承□□訓風神散遠軌度閑□□□<sub>成</sub>□□鏘金有聲雜以

詩書□□□□□□□□□□之□□□□□□□□名教之中□□□□

□其□文其德武其望仁其行禮其□智其謀義其斷

司馬□□□□□□□□□□□□□□□□□□□□□□

將□□□□□□□□□□□□□□□□□□□□□□器用已周興補

將□□□□□□□□□□□□□□□□□□□□□□可襲汝其□□□□□□

公乃執顏拜首□□□□□□□□□□□□□□□□□□□□□□

□□□□□□□□□□□□□□□□□□□□□□以□□下情是□安府□在□之於

□□□□傾落亦□□□□結茅匝營植柏祥鳥□

至甘□□□□君子□之  
則天

□□□□德音數加以

□宗□□□□帝出鎮之初□□□□諸子□□

□□□事相歷數載或□公□□觀書雖□儲學貫□

習□□□□□□

□□□□□□地府□□□□上

無何轉左□毅除右□府左果毅仍長坐議□歎曰

□公執戟藩□□□□□□於代也一從一橫一□

一□□□□□□□□□□泉府折衝

時吏部尙書朔方□使王公諱□忠□倜儻之□□□  
 □□□足威邊略能戡難□□□□□□□擊  
 公□以五戎惑以五轉伐交鬪其兩武□樹伏其三軍  
 □虜懾焉□康待賓□□□□□朝廷以弓勁  
 馬□□□□□□□□□□□□□事留守王公  
 諱愔公直巖簡□□人□□歎公□昔者李□封侯孫  
 □□□□□□□□□□□□□□□□□□□□  
 □□□□□□□□□□□□□□□□□□□□  
 □□□□□□□□□□□□□□□□□□□□  
 前相國李公元紘以討之□旅飲至授甯王府左親事  
 典軍隨班例也尋以□□□□□□□□□□□□  
 有□遷公朝議大





設既本文□□□□□□懷□□□□□奉□

謀因加武烈其揚雄執戟王祭□□□橫絕漠氣逼長

雲三邊金鼓萬里功勳興言鷓鴣恥與□□其□□□

□□□一□舉以爪牙生長羽翼胡虜久摧戎

羌屢北□□□元功未塞其悠悠旅櫬眇眇幽行歸

途劍閣返葬墳塋□□□□□民□□□□□樹

德□其禮樂詩書伯仲牀季號天追攀泣血□□□心

是日紀德茲地刻□美於豐碑懸孝敬於荒隧其八

天寶四載十二月廿八日建

此碑於嘉慶二十年乙亥七月武功令段嘉謨訪得

之

文廟其陽刻宋大觀聖作之碑越三年戊寅十二月

南海吳榮光備兵陝安道出武功得觀并題

此刻在碑尾後

尙有聶銑敏學使觀款一行不錄

案李北海撰書任令則碑偃師段襄亭大令嘉謨任

武功時訪得之拓以寄贈碑凡一千五百餘字可辨

者尙及三分之一姓名官階卒葬年月以及先世後

嗣猶得諦審錄之任氏之先始於薛侯下至漢魏則

有御史大夫敖司空隗吏部尙書愷攷元和姓纂漢

御史大夫任敖任敖之後爲晉尙書任愷望系樂安

博昌後漢書任光子隗章和元年拜司空乃南陽宛人非任敖支派豈北海所據譜系或有傳會邪祖辨鄆州司馬考盛資州司馬直太史唐書地理鄆坊節度管資州劔南道西北節度管職官志上州司馬太史令並從五品下□州大都督府別駕專知和州靈關兩道遊奕使唐書地理志揚州大都督府督揚滁常潤和宣歙七州靈關當即和州之東關王公諱□忠諱下缺嗣字即王嗣忠也

金石續編

右任令則碑歐趙所遺金石續編筠清館金石記均載其文而吳氏所錄多得七十餘字曩訂續編



以所蓄拓本不精僅據吳氏本校勘而補正之近  
復得一紙較爲明顯復諦審得六十字不敢遽定  
偏注於旁者又得九字並正訛十四字益歎校勘  
之難也向之所訂有以不誤爲誤者如於代也之  
於八日之八松栢之栢清資之清孝敬之敬雖由  
吳氏究甚粗莽錄之以誌吾過 碑云吏部尙書  
朔方□使王公諱□陸氏謂諱下缺嗣字即王嗣  
忠也案唐有王忠嗣曾爲朔方節度使別無王嗣  
忠其人此記憶偶誤耳王忠嗣爲朔方節度使在  
天寶初年此碑所敘當是開元時事亦不相合以

余考之則王峻也新唐書王峻傳以功遷左散騎  
常侍朔方行軍大總管改御史大夫嗣拜兵部尙  
書復爲朔方軍大總管九年蘭池胡康待賓據長  
泉反陷六州詔郭知運與峻討平之峻所降附知  
運輒縱擊賊意峻賣已乃復叛坐貶梓州刺史改  
太子詹事進吏部尙書太原尹代張說爲兵部尙  
書同中書門下三品充朔方軍節度大使又元宗  
本紀開元六年二月朔方道行軍大總管王峻伐  
突厥八年九月契丹寇邊王峻汲古閣本  
誤作峻檢校幽  
州都督節度河北諸軍大使黃門侍郎韋抗爲朔

方道行軍大總管以伐之九年正月王峻執康待  
賓十一年四月王峻爲兵部尙書同中書門下三  
品五月王峻持節朔方軍節度大使十二月貶王  
峻爲蘄州刺史碑於此後有康待賓字雖上下均  
闕而其名尙存然則使上所闕當是大字諱下所  
闕蓋是峻字覆審拓本峻字日旁尙能辨識其下  
忠字乃屬下句耳惟碑云吏部尙書朔方大使傳  
於討康待賓之時云兵部尙書朔方大總管而系  
吏部尙書朔方大使於貶梓州之後與碑不符或  
傳之誤也本紀但言大使不言吏部尙書碑不言

幽州都督皆略之耳碑又有留守王公諱愔字桉  
王志愔於開元九年留守京師疑即其人惟單名  
愔爲不合耳碑又云乃奏公副前相國李公元紘  
以討之案新書李元紘傳於出爲曹州刺史之後  
但云徙蒲州復起爲太子詹事而不及統兵致討  
一節殆史有闕漏或即在蒲州時事亦未可知然  
元紘罷相在開元十七年六月令則卒於開元十  
六年當令則時不應有前相國之稱又案宏簡錄  
元宗紀於元紘同平章事下即接云置軍於定恆  
莫易滄等五州以備突厥碑所稱討之者或即指

此然其時甫經入相何由稱前豈所謂前相國者  
乃北海撰文時追敘之詞邪顧元紘傳載其生平  
事蹟從未與軍旅之事闕疑可也碑又云授甯王  
府左親事典軍攷讓皇帝憲傳云始王永平長壽  
年降王壽春唐隆年進封宋開元年徙王甯元宗  
紀開元七年九月徙封宋王憲爲甯王十六年十  
一月幸甯王憲第是甯王者即睿宗之子讓皇帝  
憲也碑又云□王府屬令方公之弟也案宏簡錄  
元宗紀開元二十二年嚴私鑄錢禁沒京兆商人  
任令方資財六十餘萬貫時代籍貫相符當即其

人惟碑云□王府屬紀云商人爲異耳神鼎府不見於地志亦府名之逸者又案宰相世系表敘任氏先世云漢有御史大夫廣阿侯任敖世居於沛其後徙居渭南與碑言樂安博昌者不符表不及隗與愷愷仕晉而碑云魏吏部尙書亦復歧異仕魏者有任峻任嘏北海所據譜牒殆不足徵信歟南北朝任遐任昉爲樂安博昌人今則豈其苗襄邪

王迴山造浮圖頌

拓本五紙高一尺八寸廣三尺二寸卅  
行行字不一字徑五分許正書在高陵

淨圖銘

并序

蓋聞

圓穹上樹慈雲蔭於大千方

濁下凝梵雨潭於百億况

乎法王命

□天人載

誕故

能

使月光童子遠照慈燈善星比邱遍灑甘露十千

神

□

拔

□□之根入萬天□□

破無開

之罪從來無上者其

在世尊乎今有大

慈悲

□信

□□

□山

仁望

英雄鄉閭

標準不矜軒冕不尚浮華懷仁救蟻

之年伏

道□□

之

日住持真

化接

息妙途乙夜淫書討韋編而不倦丁年

感孝

如茶蒸而非酸故能黼藻慧根琢磨篤行

母清信女劉

□德俱備令淋有聞跡履三明心休五

淨追慕亡姘亡妣共建淨圖

高祖伯道

曾祖元□

祖□廉□泉英瓊樹挺生梓松孤拔骨鯁道直神閑

調孤踐行義而□□□孝□而不永与善徒欺策高足

以未窮遂啓手而長逝其□□□□□□悲號叩地

迨五日之絕漿慟哭聞天痛三年之灑血遂宏誓□共

□□財与母同心願爲亡過父母敬造石浮圖一所

七級銅鑿俯就丹曠□加大唐以天寶六載歲次丁亥

正月丁丑朔卅日景午□於宅南珠輪亘日寶鐸吹風

諸佛金光婉轉更起七重珠豪縈映還生十善是

知神霄福地刑□宣仇四隣則仕女清貞五卣□□□

平坦用銘金石而爲頌云粵有至人邱園養德



宗族稱孝鄉閭稟則降福不永列隨否列欲荅鴻恩昊

天網極其龍樹西來雀離東至暎教日流虔心列大

道列一法門不二梵雨灑滋火宅銷熾其一人利物万

國時康天括珠囊茲雲再朗惠日重光庶神

功之永建隨聖祚之無疆其浮圖主王迴山 母

劉 妻張 男什六什九 女什五娘廿娘合家供養

張氏妹六娘 夫驍騎尉張無關 男堯日法

奴合家供養 劉氏姊二娘夫移山如金女什三娘

迴山妻兄張列迴列什娘二娘列三娘合家供

養 迴山母 亡過父母及亡弟列才現存弟子頂子

寧亡妹三娘供養 頂男崑玉妻張亡妹大娘 寧男

崑□□□九女三娘 洛妻李女智度供養下空 盖

氏亡過姑大娘 妻□□妻王 男品子隼彥 弟同

生 弟如玉 習女二娘夫盧景璿女三娘夫張來仁

供養 石氏妹 二娘女二娘夫梁 思飯供養 張氏姑

三娘男冲寐妻刁男阿毛妻孫 妹四娘 妹九娘

四娘女大兒合家供養下空 □二從姊王思飯妻程

男阿敲妻董 男阿敲奠董 男景龍妻何 大娘

敲女什四 上妻渤□ 龍女寶身合家供養下空 二

□□□ 逸妻杜 男伏臣男光 女大娘女二

娘三娘四娘合家供養

三從子喜珍

母阿趙合家

供養

下空後空

亡兄無□供養

此在弟一層据沈跋補

石浮圖頌向在北門外曠地內因修邑志搜訪得之

道光二十五年仲秋桐鄉沈淮記

右刻碑尾

右石浮圖六層上銳下廣頂已佚連座高五尺第一

層方八寸五分高四寸以下遞增中刻佛象左刻亡

兄無□四字右刻供養二字每層南面皆中刻佛象

旁刻花紋作雲狀餘三面祇刻花紋字刻於座座分

兩石高均二尺一寸廣一尺三寸五分前石厚六寸

南面有方穿高七寸八分廣五寸五分外作門形上

刻螭虎兩旁各刻一人對立似守門者後石厚六寸  
八分南面刻佛象三尊序及題名前後石三面環繞  
刻之自西而北而東文十八行行十八字至卅三字  
不等題名十二行參差不齊正書碑云梵雨潭於百  
億潭應作覃攷東魏李仲璇修孔子廟記化潭八字  
亦以潭爲覃正韻潭音淫浸淫也即本字義亦可通  
刑月宣仇刑形通借形下當是勝字宣即寡仇匹也  
言形勝之無匹也西魏曹續生造象記非刑象何以  
表其算北齊宋買造象記尋刑叵遍皆以刑爲形昊  
天網極綱即罔說文网或加亾或從糸則二字本同

漢曹全碑續遇禁冈以冈爲網是罔網亦通用梵語  
塔爲雀離洛陽伽藍記乾陀羅城東南七里有雀羅  
浮圖北齊義主造象記穎越於雀離與雀羅同言巧  
穎過於雀羅之細密也北齊朱曇思造象記爵璃昔  
住字異而音義並同他如蔭作蔭照作照遍作遍英  
作英冕作冕瀝作瀝囊作囊販作販皆別體毘字檢  
字書無此字或芘之誤六朝碑碣往往有之唐時猶  
沿其舊題名爲王迴山一家眷屬人皆無攷著官階  
者惟張無闕一人唐書職官志驍騎尉勳官正第六  
品上階張與盧景璿梁思販均王氏戚也文頗雅馴

字亦秀勁時方修邑志搜剔得之為之狂喜沈淮跋

大唐以天寶六載以字當在大唐上鋼鑄俯就俯

者甫之聲借罔極作網古罔網一字亡考作姤俗

謬崑疑是崑之省沈氏以為茈之誤云六朝碑碣

往往有之未知所據何碑也

寶居士碑天寶六載二月八日萃編載卷八十七

混然同人不在於蕪缺同字晉大夫廣缺廣字幽抱虛壑

幽上多習志氣於先人缺氣於先三字後纘缺纘字廡易衣冠缺廡

瓊枝枝誤作林菡閣蓬瀛缺菡閣二字是以好事欽素缺事欽素三字盲

酒缺盲字接道意缺意字眇然蹈海超遙昇天缺蹈海超三字軌物

字缺物 何必蕪沒三徑二字 何必二字 辭代 翫代 軒辭解謝

□ 蹈元默缺蹈元 以國缺以字 素襟襟誤 銷聲大谷

字缺銷 夫如是則有膏者則夫如是 有道缺有 食吾貧缺

字貧二 式用永鳴呼 性與婦道 親道合

字三 示滅於京輔興缺輔興 青田之姿空聞鶴駕缺下

字無 無玉帛缺無 元禮多才缺才 □□□之五部戰尅以

少缺五部 植松楸缺植 七日芳遼柱千年缺七字 此

勿求之缺此 功立行成方性與節全缺功立成與 丁未

字缺丁 甲寅缺甲 元禮等建缺禮等 宣德郎前行將作監

右校丞范岌題額并鐫此十七字全缺

居士季子元禮黎園教坊使行內侍省內侍新書百  
官志武德後置內教坊於禁中開元二年又置內教  
坊於蓬萊官側自是不隸太常以中官為教坊使  
平津

讀碑記

石門房山造象十三段 俱正書 在臨胸

侍老李思恭題記 高一尺二寸廣七寸五分 六行行字不一字徑八分

廣饒鄉侍老李思恭妻阿張弟子夫婦俱 康強

媿 泐一行半不能定其幾字 屺像一鋪上為 泐約四字 母

存眷屬咸同斯福唐 寶六載三月二日建

山左金石志云一題 李思造像記



正書二行一題生父母□在眷屬咸同斯□六載  
三月二日建蓋即此刻誤分爲二失拓中二行也  
至奪譌之字殆石多曼患審視未細而志又約略  
記載之故邪侍老未詳

盧大娘題記

高一尺二寸八分廣五寸七分五  
行行十六字至廿字不等左行

維大唐天寶六載歲次丁亥三月丁丑朔廿九日乙巳  
廣饒鄉人盧大娘女□四娘爲有媵得平安遂發願敬  
造釋伽牟尼像一軀□經一卷觀世音菩薩一軀卅九  
□□□一口上爲国王帝主□仁父母法界倉生成同

斯福姚□兒

山左金石志誤饒爲鑄并未審出廣鄉二字有賸之賸疑是孕之借用

□守志題記

高二寸五分廣一尺一寸十二行行五六字字徑六分餘左行

維大唐天寶六□□□丁亥三月丁丑朔廿□□□□

廣饒□□□守志敬造觀世音菩□□軀尙爲國王帝

主師僧父母法界衆生咸同斯福女配返 供養

記中尙字即上之古通

孟士□題記

高六寸五分廣六寸五行行八字字徑六分

清信佛弟子孟士□敬造阿彌陀像一鋪願合家大小

平安 天寶六載五月四日記

孟下似是五字据山左金石志作士

李□寘妻等題記

高九寸五分廣二寸七分  
三行行字不齊字徑六分

佛弟子李山寘妻田氏胡廡妻張氏觀音菩薩一軀顛

合家平安 天寶六載十二月廿日記

廡疑即廣字之俗變或云廣字

沮瓊瑤題記二段

高一尺二寸廣三寸五分  
三行行字不一字徑寸許

佛弟子沮瓊瑤為染患敬造觀世音菩薩一軀顛合家

平安 天寶七載九月

山左金石志有佛弟子□□仁造像記後書天寶

七載九月正書凡三行疑即此種

又高六寸廣三寸二分三分行六字五字字徑六七分

佛弟子沮瓊瑤祖母傳敬□□彌陀像一軀

無年月當與前刻同時造者山左金石志未審其

姓名祖母上有為字未見

張行廉題記高六寸廣六寸八分六分行行字大小均不一

濟南郡清信仕張行廉為亡母敬造彌陀像□□妻馮

氏男□□男晃女□□天寶九□六月

山左金石志闕張字六字

天寶殘刻高三寸七分廣存四寸二分三行行四字字徑七分許

前鋪顛合家平安天寶十載四月

缺

山左金石志有金合子女天膏□七載四月正書  
三行上下皆有殘闕蓋即此刻之譌誤者

李氏等殘刻

高一尺廣二寸  
二行行字不一

李氏□氏□第釗□□一□□子□

缺

載五月□

缺

右刻在李□賓造象之前蓋亦天寶時所造故稱

載

郭憲札題記

高二寸七分廣五寸六分  
五行行三字字大小不一

弟子郭憲札敬造阿彌陀像一軀

小黑題記

高七寸廣二寸五分存二  
行行字不齊字徑七分

佛弟子小黑敬彌陀像顛利下月

下泐

□侯子殘刻

高三寸廣一尺四寸十一行行約三字四字字徑七分許

前疑有闕

□□□及

此行全泐

□□帝主師僧父母

□□□生□

□斯福□侯子

男大郎子

妻張氏合家

供

養時記

山左金石志載石門房山造象廿九種訪碑錄同

而注云山東甯陽何也茲錄得十三段李氏及小

黑□侯子三種志錄未載

河南參軍張軾妻邵氏合耐誌

方一尺四寸廿七行行廿八字字徑四分有界格正書在襄陽

唐故河南府叅軍張君墓誌

并序

鄉貢進士丁鳳撰

君諱軻字季心其先范陽方城人也曾祖元弼皇秀才  
權第拜長安尉益府功曹贈都督安隨郢沔泗四州諸軍  
事安州刺史祖柬之秀才權第 宗社艱難時危反正  
特進中書令監修國史上柱國漢陽郡王本州判史食  
封七百戶碩德金章勲庸茂績傳諸國史備列先碑父  
漪秀才權第朝散大夫著作郎佐父潛謀能安漢室建  
策除呂獻議如昌功亞朱虛侍歸疎受君則著作之第  
四子聰含誕孕慶積公忠體峻晴峯神高秋色傳母罷  
乳羶腥靡嘗岐嶷有成詩書便覽往昔 中宗復辟邪  
黨構端大父被奪鳳池歸來典郡見君性不食肉幼及

成童奏爲梵苑沙門配居龍興精舍載雖及紀材必爲  
時君謂釋門之道也祈沒後之因儒門之教也救當今  
之弊脩惠狹於善已濟世博於蒼生返初服於巾簪捨  
緇流而冠帶屬天波昭滌祖厝立宗支子從班大才  
誰繼喟然曰吾當檀鴻筆取青紫即胄太學擢秀才無  
何拜河南府叅軍以秀才有後也况官叅河尹攝綰府  
曹墳藉文章儒宗墨客虚心待士散俸歸仁餘慶未融  
斯文乃喪味不知穴以逮于終以開元廿年六月五日  
遘疾不祿於洛陽陶化里私第春秋卅六鳴呼知音者  
莫不云變風雅之篇什稟江山之清潤方經國而可大



尙沉跡而未光痛昭世之早薛乃邦家之殛瘁有集三  
卷行於代

夫人安陽邵氏備佩針管脩整組紉事姑側聽於鷄鳴  
作嬪潔羞於苜菜訓子得義方之蠱孀居存師傅之儀  
早歲專德於公官晚載循心於釋典以天寶四載六月  
十七日寢疾終於故里私第享年卅有九越天寶六載  
十月十二日合祔于安養縣相城里 先祖之舊塋禮  
也嗣子曰縉曰縉欒、相樵哀、相次愷悌孝友闋禮  
言詩既積學而含章亦高壙而射隼女也事夫終遠弄  
瓦存卑相對悲號皇、孺慕將題實錄用叙哀詞銘曰

軒轅垂裳支寰兮張子孫范陽弈葉全昌從宦遷徙茅

社金章其一猗歟君子炳靈代起文章宮微弱歲異此不

食于肉歸於糲子其二翻飛國庠權秀明啟繼業照芳叅

卿洛陽嗟乎中折梁壞人亡其三夫人婉德禮全內則

母儀柔克嗣子食園駟馳文墨爪、相向銘誌將勒其四

張軫誌已編錄此其夫人合葬之誌也敘軫事蹟

兩誌略同惟此誌云進士甲科前誌云擢秀才為

異耳前誌云嗣子縉紹等此誌云嗣子曰縉曰縉

縉當即紹之改名者世系表均不載地理志襄州

鄧城下云本安養天寶元年曰臨漢此誌刻於天

寶六載猶稱安養則志謂天寶元年改者未確矣  
矣古肉字見於淮南子吳越春秋諸書漢碑又作  
突本州下缺一字據史知是刺字補訪碑錄載張  
軫志不注撰人名而以此志爲張軫弟二志標題  
誤矣復以軫志撰文之呂巖說註此志之下而顛  
倒其名誤之誤者也

宜祿都尉成君墓誌

高一尺五寸八分廣一尺五寸二分十  
八行行廿二字字徑四分正書在長安

唐故振威副尉左金吾衛新平郡宜祿□□□□□□

君墓誌 并序

赫赫宗周昔有天下分族命氏列乎于成公□□□□

□連 曾祖威 皇太中大夫禮部侍郎 祖立□

□□散大夫趙郡慶陶令 父崇俛 皇朝議郎宣□

□□戶叅軍於是克清門風乃敷政理脩厯中外□翼

□□□以良家子屬 中宗孝和皇帝有事郊□□

□為□□授左羽林軍長上轉京地府望苑府別將左

清道率府□候當警夜紫禁環衛 丹墀以事一

人方逾十祀無何調河東郡霍山府左果毅都尉左金

吾衛知隊仗□洛交郡龍交府彭原郡天固府加振威

副尉新平郡宜祿府三折衝都尉知隊仗如故兼左藏

庫使勒驍雄之勇列虎豹之師守金帛之殷將出納之  
恡公幼而習武長而主兵恭默其心堅白其操誠善之  
□矣豈禍之淫矣遘疾弥旬終于咸陽別業然天寶五  
載九月廿一日享壽五十有五□六載十月廿八日葬  
於長安高陽原禮也銘曰

嗟嗟都尉三居其

位

天階入侍

天府司使福善

無徵

禍淫□至且小

植

松栢乃高起龍墀非獨今日之

如然皆當萬古之所□

誌泐下方左角標題處自宜祿下缺七字以文驗之  
當是宜祿府左折衝都尉其知為成府君者文敘姓

源有列乎于成句也

古誌  
石華

右墓志十九行行廿二字正書字徑五六分書法不甚惡然多草率漫漶不可辨之字志首標題一行下角闕去七字不知其何姓而文之第一行下書名之處亦闕去惟其曾祖及祖父三世之名與官略具祖父之官皆不甚顯文有以良家子屬中宗孝和皇帝有事郊口之語攷唐書中宗紀景龍三年十一月有事於南郊其時正當武氏亂國之後朝政未靖宿衛綦嚴乃由被選入羽林軍供武職起家者也百官志言左右羽林軍有大將軍府其屬各有長上十人又

東宮官有左右清道率府其屬有中候各二人則石刻候上所闕一字當是中也志又言諸衛折衝都尉府有折衝都尉一人左右果毅都尉各一人別將各一人其下有隊正副隊正是別將下於果毅都尉果毅都尉下於折衝都尉而兵志云太宗貞觀十年更號統軍爲折衝都尉別將爲果毅都尉今據墓志先言望苑府別將後言左果毅都尉則果毅都尉在別將上之又一官且兵志明言置折衝都尉一人左右果毅都尉各一人長史兵曹別將各一人見云別將爲果毅都尉之言誤也且官志於折衝府不言有長

史兵曹則長史兵曹豈後來汰去者耶兵志又言凡天下十道置府六百三十四皆有名號而關內二百六十有餘皆以隸諸衛即墓志所稱京兆府望苑府及河東郡霍山府洛交郡龍交府彭原郡天固府新平郡宜祿府皆是也以地理志攷之新平郡即邠州有府十其一曰宜祿彭原郡即甯州有府十一其一曰天固洛交郡即鄜州有府十一其一曰龍交河東郡即河中府有府三十三其一曰霍山惟京兆府無望苑府而鳳翔府即扶風郡有府十三其一曰望苑蓋後來又移置也唐制十六衛以左右金吾衛爲最



重故六典言有大將軍將軍各一人而唐志於大將軍之上并有上將軍六典注云又置引駕三位六十八並於左右衛取明閑隊仗法用兼能糾彈事者充分爲五番上下仍於諸衛翊衛隊正內取五人爲主帥蓋即墓志所云左金吾衛知隊仗是也又百官志有左右藏署言左藏有東西二庫朝堂庫及東都庫東都朝堂庫右藏有內外二庫東都庫開元十九年以監察御史二人莅太倉左藏庫三院御史皆初領繁劇外府推事其後以殿中侍御史上一人爲監太倉使第二人爲左藏庫使又墓志所稱振威副尉者

乃武散階從六品下以統兵外府武臣預京師金吾  
衛政事又兼殿中侍御史文臣之劇任其人必多幹  
略而有爲者惜乎墓志雖存而姓名已不傳於世也  
此刻未見前人著錄有庸人題記於石尾云道光庚  
寅新出當亦是關中古物故亟錄其文以表之

古泉  
山館

金石  
文編

按誌石下方缺姓名不具而歷官備詳郊祀推恩以  
良家子授左羽林軍長上轉京兆府望苑府別將□  
清道率府虞候調河東郡霍山府左果毅都尉左金  
吾衛知隊仗□洛交郡龍交府彭原郡天固府加振

威副尉新平郡宜祿府□折衝都尉知隊仗如故兼  
左藏庫使唐書中宗本紀神龍元年九月壬子祀天  
地於明堂十一月壬午享於太廟並賜文武官勲爵  
誌所稱中宗孝和皇帝有事郊□郊下當爲廟字本  
紀中宗諡孝和皇帝天寶十三年加諡太和大聖大  
昭孝皇帝此誌勒石於天寶六載在加諡之前故稱  
孝和皇帝通鑑唐紀二十三至二十五皆題中宗太  
和大聖大昭孝皇帝而元宗紀天寶十三載二月癸  
酉享太廟上中宗諡曰孝和大聖大昭孝皇帝既殊  
新舊兩唐書且與本書中宗紀標題不合諡重孝字

亦復不文以孝和爲太和之誤而辨誤失載又代宗紀大厯十四年七月禮儀使吏部尙書顏真卿上言累聖謚號太廣請自中宗以上皆從初謚魯公文集請復七聖謚號狀高祖以下悉取初謚中宗爲孝和皇帝兵部侍郎袁傔言陵廟玉冊木主皆已刊勒不可輕改事遂寢不知陵中玉冊所刻乃初謚也唐書百官志十六衛左右羽林軍長上各十人左右金吾即隋左右候衛顯慶五年改左右金吾衛諸衛折衝都尉府每府折衝都尉一人上府正四品上中府從四品下下府正五品下左右果毅都尉各一人上府

從五品下中府正六品上下府正六品下別將各一人上府正七品下中府從七品上下府從七品下諸衛折衝果毅別將擇有行者爲展仗押官即此誌所云知隊仗是也又有左右清道率府左右虞候神龍元年改左右清道衛曰左右虞候率府開元初復曰左右清道率府又左藏署令掌錢帛雜綵天下賦調卿及御史監閱開元中以殿中侍御史爲監左藏庫使此以武衛得兼蓋出異數瘦陶河北道趙州趙郡屬縣天寶元年更名甯晉亦見地理志高陽原宋敏求長安志在縣西南二十里此石道光九年出土十

三年春顧米脂鶴寄粵

金石續編

按成氏出周文王弟五子邠叔夜之後子孫以國為氏後為楚所滅子孫去邑為成誌所述者是也  
慶陶唐書地理志作癭與後漢書同作慶者譌俗  
敷作敷亦繆虎字不避寫古誌石華載此有譌字  
有以意增補字其於首行補注府左折衝都尉成  
府八字則多一字矣折衝都尉只一人並無左右  
之分不已疏乎

### 子產祠殘碑

存四行十字字  
徑分書



不霜京

天寶七載

專知制

右子產祠堂碑殘石今藏張叔未解元處叔未琢其

背為硯頗細潤可愛

錢侗跋

天制二字微有殘損餘完好首行兩字略存一二

筆不能臆斷為何字兩浙金石志載之云在嘉興

黃本誠家此本為錢氏舊物

八瓊室金石補正卷五十七終

金不祗卫卷五十一

三  
希古樓刊



八瓊室金石補正卷五十八

男 繼輝校錄

太倉陸增祥撰

吳興劉承幹覆校

唐三十

丁思禮豎心經碑記

天寶八載五月廿一日在沛縣萃編載卷九十九作大秣八載七月

月

元□象大

缺元象二字

亦如□□之相也初淺而後深也

外九字

缺

賢彩若丹詞林

□落

詞林外五字缺

曷際

缺際字

善芽

缺芽字

樂

□離

缺離字

灰薄

缺灰字

梵響

缺梵字

永讚

缺讚字

作悟

缺悟字

寶八載五月

天寶誤大秣五誤七

碑立於天寶萃編誤為大秣大秣不稱載也

平遙尉王府君墓誌

高一尺七寸八分廣一尺八寸五分廿七行行廿七字字徑五分正書在孟縣

皇唐故西河郡平遙縣尉王府君墓誌銘 并序

原夫□於蘭谷者猶聞十步之芳陟於松巖者尙覩千

尋之□况乃于門善族□□名家堂構挺生不□□□

者矣公諱□□□□□□□□河內人也太原望族徙居河

內焉曾祖□□□□遂州司馬祖□□□□□□太子家

令贈少府監並以睦義登榮儒翰昇貴父□□□□□□

□□□□中舍人贈銀青光祿大夫至於承親□□割股

仁□□□□□□□□□□離沐旌表門閭之□□制越古

趙今隆褒揚道□□□□□□□□□□並見編於史諫

此可略而言焉公以積善資靈□□□□□□□□□□

性卓犖儒□之科釋巾任宣城郡宣城縣主簿江□□

□□□難□□□以清平標範正直申規□得吏愛毗謠

傳芳播譽秩滿上選□以□□家之子□筆之才擢授

西河郡平遙縣尉汾州巨邑晉□碩州毗□□井之繁

人恣田墾之訟公以襟靈若湛筆翰如流疏決務□□

□與奪並□其理自六曹統□□考在公間閭無謗讟

之聲□□□有□□□之慕□□□□□□□□□□朋僚懷戀

德之情眈吏結□□之□□□千里勒轅轡而已迴至

曜三冬□門庭而畢萃昆房喜躍□□義以同居隣伍

歡愉仰仁德而垂蔭方□廣脩淨業系繼先風何期福

善無徵殲良奄泊以天寶九載二月九日遘疾終于河

南府河陽縣車城鄉之本第春秋五十有六以其年三

月十四日安厝于河清縣親仁鄉 先祖之塋禮也惟

公□德義方嗣徽名□植操慕深□□□身□□□

□□高節儉表其心風神皎絜□□體斯乃□□□

□□□□□□□□□□乎激浪鱗翔□墜羽□□將

駕□□□已開□□□□□□□□□□之永隔悲舉案

之長乖有子三人□□□□□□□□  
 惟彼善門誕生材子□□□□□□  
 言唯仁是履宣城授□□□□□□  
 濫剖斷□□□□□□□□□□  
 聲反響邱園安神靜謐閉□□□□□  
 滿室庶積善永固□□□□□□  
 萼旋凋佳城已啓德誌風標脩陵□□□□  
 長□

古誌石華載此文闕四十四字誤廿五字脫一字  
 茲據石本正之唐書地理志河清本大基先天元

年更名避明皇諱也此誌作於天寶更名已久矣

靈運禪師塔銘

天寶九載四月十五日  
萃編載卷八十八

掾于高平

字缺平

圓通於不留之境

字缺留

色身謝芳法體

存

字缺謝

寺西石塔靈運師墳卽梁帝皇嗣者也

以上刻塔頂三  
行行五字字徑

寸許  
行書

附 辛祕題名

五行行六字字徑五  
分正書在碑側下方

元和十二年閏五月廿九日河南尹辛祕奉

勅祭中

岳散齋于此寺

碑頂字體散野與原碑迥別武授堂謂誤指靈運

卽梁帝皇嗣臨文失檢顧亭林謂以武帝之裔而稱皇嗣亦爲不順竊意此十五字或後來俗僧所爲不足深責辛祕題名授堂跋已言之矣 碑銘爲崔琪所撰攷宰相世系表崔氏清河小房有琪字庭秀不詳官位未審卽其人否碑述靈運之父名翥世系表蕭氏齊梁房有翥字文舉宣宗時相鄴之子時代相殊別一人也

陪戎副尉雷詢墓誌

方一尺六寸廿一行行廿一字字徑六分正書閒雜行筆篆蓋題大唐故雷君墓誌之銘九字四周刻十二生肖題夜半子鷄鳴丑平旦寅日出卯食時辰馬中巳正南午日昃未晡時申日入酉黃昏戌人定亥

世六字

正書

大唐故處士陪戎副尉雷君墓誌銘 并序

君諱詢字明遠開內馮翊郡人也德能匡俗垂寶光於  
先功可濟時福慶流於後故祀路煜兮雄勇風骨不凡  
蔚予清雅神彩異俗厯前隨以見用位列錦司入大唐  
而昇朝職臨司馬父通上柱國智可運籌德堪濟物不  
徇私門唯憂報國揮霜戈於隴外戎虜電除耀金甲於  
輪臺骨都膽讐功成遂退賞悅邱園知命無憂自怡風  
月君稟陰陽之受氣受天地之雄和維孝維忠克恭  
克敏虛心應物任性歸真坐幽壑以怡神卧白雲而放



志將爲羨門比壽豈其孔父齒亡以天寶五載六月五日搆疾於私第終於家館夫人趙氏道叶坤順德配軋劉性以謙約爲本行以溫柔作常訓女垂誠教男義方遷居均善於孟母守志侔貞於敬姜何寶婺之昔殞乃龍劍之今淪同臻玉匣雙契佳城書帳虛而緞跡粧樓空以生塵幽顯既兮死生道隔降婁次諏訾月合葬於仙宮原侍先塋也孤子賓泰敬思遺訓伐稱泉壤以爲銘其辭曰

凜予儼予家國稱羨倩予絢予閨闈有軌道契神明德侔君子動止不乖於町畦心形豈違於天理任物同化

委體從依泯然形順脩然入幽琢石饒銘于光德芳聲  
不朽芳千秋

右陪戎副尉雷詢墓志未詳所在詢及父通子賓  
泰皆無攷標題稱陪戎副尉而文內無一語及之  
當是以勳蔭授者故又稱處士也文云降婁次諏  
訾月以天寶五載順推之是十載正月也距其歿  
已五載矣補訪碑錄作天寶五載乃卒日也故袒  
路句有脫誤袒卽袒字避睿宗諱鬱作鬱稟作稟  
孟作孟凜作凜宅碑所罕見

淨因寺梁懷貞造象記

高六寸廣七寸許十行首末二行在象旁餘俱五字字徑五分正書在汝州陵頭街本寺後殿

大唐天寶十一載二月八日汝郡梁縣萬歲鄉脾陽里

人清信弟子梁懷貞妻王氏及兒女等先發誠願敬造

阿彌陀佛于茲矣積功逾年是日成就乃為記

脾陽里者當在脾山之陽也唐鄉邑之名流傳于今

眇矣授堂續跋

中岳永泰寺碑天寶十一載閏三月五日萃編載卷八十九

偃作規制字龍津津誤律靈作昏昏作

新唐書諸公主傳永泰公主中宗第六女以郡主下

嫁武延慕大足中忤張易之為武后所殺帝追贈以

禮改葬寺僧因有此請卽碑所謂二聖痛金娥之怨  
兆人興玉碎之悲金石萃編以永泰爲孝明之妹大

誤平津讀碑記

### 石燈臺頌并題名

石高三尺八面面廣四寸第一面龕像六層餘各上  
截二層拓本遺去各上截二層第一面存龕像四旁  
有題名第二面題額三行十二字以下題名五行第  
三四五面頌各五行行十四至十七字不等字徑八  
分行書餘三面題名在元氏開化寺

上缺 養 上缺 □ 供養 清信士吳什忤 爲亡父母合一

家供養 佛弟子張慶綯 佛弟子孔軋應 妻董息

令詮供養 佛弟子□□□爲亡 父母造阿彌陀像

以上一面與餘七面之  
上截二層題名均失搨

為國敬造燃燈續明

普通供養額正書  
徑一寸

通直郎行錄事叅軍攝令李芥 □徵事郎守丞王文

藻 尉宋暉

承奉郎行尉韋光偉

朝議郎行

尉貞外 置張通幽

尉貞外置同正貞主子昇

以上弟  
二面

燈臺頌 并序

南陽張尹撰 男希雅書

夫大覺希夷□以聲色法門高炬普燎羣生卽無因之  
因照有道之道也故知不為人我□宗稱涅槃佛号燃  
燈由來授記爰以村坊道俗同造石臺良工琢磨超乎

法相且天開寶塔有諸異香地踴蓮華無口清淨種種  
微妙莊嚴道場其猶一燈燃百千炷契佛明行故号長  
明乃為頌曰

忽兮愧兮天中天 佛与法兮世所先 明一心兮

遍沙界 傳一燈兮煥大千 復說理門無住相

復說董修有福田 欲解大乘明解縛 去就還須

到本原 十地流通無罣碍 萬法圓融即涅槃

借問此臺能供養 永口終朝常洞然

大唐天寶十一載七月十五日建

以上三四五面

都維那比丘僧智口 維那比丘僧什什 維那張茂

□ 維那張處脊 維那張處□ 維那張阿顛 維

那張寶玠 維那趙思忠 維那張待因 維那張庭

辟下空 燈臺主張處□為亡過父母敬造維摩下泐

燈臺主張處仙為亡過父母亡妻郝敬造普賢菩薩仙

息□供養 以上弟六面

□燈臺主張□傳 息彥□ 張子遠息婆瓌妻周

瓌息瞿曇 □子 藝燈臺主張伯遠 妻路 息公

起妻宋 息公立妻蘇 息公俺 妻李 息□□

妻晏 息公□□□ 起息安安妻趙定簡妻陳 立

息僧範 僧敬 俺息阿甌安趙羨息□□□□

挺息小甑定進定建之璣之琛 □郎 比邱尼阿滿

□□菩薩 迎遙 真妙 正同 正果 正見

普同供養 以上弟七面

清信士張□□ 清信士張彥仙 □□□張彥□

施主□□□ 施主張韜光 施主張□□下空 施主

趙元春 息方進 下並弟四行俱空 施主呂□□昉息□珠孫

男進朝 進仕 施主張思慶息玉山孫同□□以上

第八面

右頌張尹撰其子希雅書二人皆無攷者卽希字俗

體下截題名有通直郎行錄事參軍攝令李芥新書



宗室世系表蔡王房有芥幽府錄事叅軍爲河間元  
王孝恭曾孫時代銜名一一相合當卽其人縣尉宋  
暉見龐履温碑陰餘皆無攷

常山貞  
石志

按李芥又見穆宗本紀及舊書李光顏傳爲汴州  
叛將長慶二年伏誅距此刻已七十年又其職與  
表不合非卽此人沈匏廬以爲蔡王房孝恭曾孫  
是也惟表自孝恭及芥中有崇義尙邱浣三世則  
曾孫當作元孫乃合

### 董信古等造石浮圖記

高一尺七寸三分廣一尺一寸側厚五寸三行記五  
行行書題名十八行正書行字不等字徑六七分左

行在  
正定

□力增明善牙宿植同拾淨禪修未來因於此招提敬  
造石浮圖一所上為 皇帝中報四恩七代先亡見存  
眷屬出生死海入功德林澤及無邊一時成佛

天寶十一載八月十三日建  
以上左側

董信古比邱尼八娘比邱尼圓照息思進 □□下空柴

羅漢 比邱尼普光 息承仙 承貞下空董智雅 妻

張 比邱尼四娘 息神劍 神通下空董安務亡孝由

惹 弟瓊芝 務息女經 希有下空董守貞 弟待徵

貞息龍璿 女大娘二娘下空董行仁妻郝 息承簡

承恩 承祚空下董思敬比邱尼仵娘弟思甯敬妻郭

甯妻張敬息軋光軋暉空下李文博比邱尼无邊比邱尼

憂曇 弟神功 弟神鳳空下董常豐 母李 比邱尼

阿七 比邱尼四娘 弟太豐 弟希旻空下柴義軋

息軋暉 柴軋闔 比邱尼妙光空下孟思貞 弟習礼

妻董比邱尼大娘比邱尼七娘礼息軋祐軋口董義豐

妻周 比邱尼圓祚 息旡呵 二郎 祇舩 希

鸞以上董魏周母曹空董阿獠空下比邱僧智山 上鞋

車兄承業 弟四郎 業息軋舉空下董神威亡孝版授

欒城縣令董元徵比邱尼法澀法留息令新 武騎尉柴

阿昱亡孝義貞見存母趙 弟軋暉 軋禱空下董日進

亡孝博子 董阿足 母周 弟元侶空下 妻彭

□□進空六董李生妻閻以上

右記有云同捨淨襯襯即嚙字玉篇嚙初覲切嚙施

廣韻嚙嚙施同嚙玉篇嚙音攏嚙國清百錄弟一卷

陳羅闡宣少主口勅不許讓嚙物又弟二卷晉王稟

戒名總持菩薩書疏云弟子一日恭嚙猶以陋薄不

稱宿心皆作嚙不作襯惟續齊諧記以嚙衆僧作以

襯衆僧知借襯作嚙由來遠矣碑中別體字甚多唐

刻中多習見惟授作授輕作輕兄作兄璿作璿經作

經與他碑稍異禱疑禱憂曇卽優曇之省文安作安  
唐碑中恆見天寶時以兩角女子爲安字之識可見  
當時字體如此此石本在藥城由予攜至常山郡署  
茲與諸古刻皆權寄崇因寺中

常山貞  
石志

右董信古等造石浮圖記在正定崇因寺常山志  
稱董日進造石浮圖記茲以左讀律之改題董信  
古或不謬也記文七代沈氏誤作十代弟一行末  
一字僅存右半至字沈氏定爲經未敢遽從武騎  
武字妻閻妻字石本已蝕據以補注於旁董日進  
下沈闕亡字石刻尙明顯也優游字古本作憂沈

氏以為省文亦非真疑即真字

新定太守張肫墓誌

方一尺八寸七分廿七行行廿七字字徑五分正書  
閒涉行體有界格隸蓋題大唐故張太守之墓誌九

字在襄陽

唐故太中大夫守新定郡太守張公墓誌銘 并序

公諱肫字肫其先范陽人也馬渡丹陽龍戰河洛煙塵

北擁冠冕南遷今為襄陽人也曾祖則隨阡陽縣令祖

元弼皇益州功曹叅軍贈安州都督父晦之桂方正字

左率府兵曹叅軍伯父柬之中書令漢陽郡王贈越州

都督扶危宗社勲庸太常初公父早亡伯父進養諸呂

殲滅大漢兮珪茅土錫封奏公授職 詔授荊州叅軍  
後韋氏臨政虺變爲蛇公授撫州叅軍累貶也又試太  
子通事舍人來復也又授將作監主簿再太子僕寺丞  
太子文學檢察浮費司供輿馬黃中有理堂上村頭轉  
芝州司馬邢州長史朝散大夫涇州別駕鶴來薛海朱  
玆加榮輿舊見題佩刀是贈又拜梁州刺史涪陵郡太  
守零陵郡太守臨川郡太守新芝郡太守蜀山雲平非  
無叱馭湖水天浸豈憚洪波江南聽采菱之詞成中和  
之曲新安逢江水見底比清鏡豈如太夫人韋氏安府  
戶曹元寶之女封馮翊縣太君子貴也板輿侍奉豈獨

長筵東正有詞何軫舊賦公稟休和之氣降山岳之靈  
忠孝事於君親愷悌施於邦國惜其大位未繼泉路溘  
隨以天寶十載六月廿四日遇疾薨於新芝郡官舍春  
秋五十有六諸侯之禮國典備儀道路有瑞庶隨車黎  
人悲父母奚若夫人隴西李氏隴西郡君夫榮也刑部  
尙書軋祐之孫相州堯城縣令昭禮之女中書令昭德  
之姪女能事組紉明閱詩禮令德贊於從臈泐善穆於  
宗親天平降災殞斯貞釀以開元廿一年八月三日先  
公而亡以天寶十二載八月廿六日合葬於臨漢縣平  
原禮也嗣子回等稟稟棘容哀哀相次迺馨香其實錄



將刊刻於石詞銘曰

猗公命氏偉乎邈邈勲庸列土繼體兮葩世業宏大忠  
孝淳嘉官政多歷斯級光華沂海可詠專城累加天道

不愆梁木空嗟其一夫人隴西寔惟公族尙書祖理中書

伯錄體德柔順瑤姿令淑如月之皎如鴈之育內則事

姑齊詩在祿誰謂奉倩先悲瘞玉其二嗣子藥藥幾不滅

性稟孝純至執容瘠病哀號泣血象設惟命母訓義方

慎終善令女也權毀施于疰敬樹斯文於不朽紀勲業

而貞其三

右張肫墓誌在襄陽誌敘肫之先世云曾祖則隋

毗陽縣令與世系表及張漪誌稱澧陽令者不同  
張曠誌又稱比陽澧陽二縣令蓋先令比陽後令  
澧陽此稱毗陽於例不合隋書比陽屬淮安郡後  
魏曰陽平開皇七年改饒良大業初又改今名比  
毗之本字曩輯楚辭疑異釋證擬以篆體書之而  
說文無毗字無從下筆借用它字又鮮確據今得  
此及張曠誌知毗字古只作比後人加阜旁耳又  
云父晦之桂方正字左率府兵曹參軍世系表失  
載東之贈越州都督亦不見於史傳當是後來追  
贈莫攷其時或卽在賜諡文貞時也又云夫人隴

西李氏相州堯城縣令昭禮之女世系表乾祐下  
失載昭禮可據此補之表稱丹陽李氏此稱隴西  
者從其朔也隴西四房一武陽二姑臧三燉煌四  
丹陽也又云嗣子回等則拙之子不獨一回故銘  
詞內有如鳴之育語然不可攷但補一回於表而  
已詳具元弼誌跋又案諸誌皆云葬於安養縣而  
此獨稱臨漢者天寶初所改名也

石經山中臺浮圖諸刻

在房山

王晉造石浮圖記

文鐫石像上截高一尺八寸五分二十一

行行十二字

字徑六分正書

石經中臺浮圖

石經者晉琬公之□□□□□□之上靈□□□□公□

□□□□經明道□□□□□□□□□□臺山者吾師□

□□□□□□□□四臺浮圖凌霄之□□□□□□惟中臺

嶰巖宛然未有真狀公諱晉太原人也挂冠辭代□□

精誠樹福於金巖□□虛空乃浩□□於菩提之□□

人以□栗□資造九級浮圖□於中臺也夫米粟者曾

祖父□□□□之出也衣資者亡妻之□也□□圖相好

端嚴□□□□□□□□諸信士等□誠□□□□□

真容□法□於迷津□□雨於火宅□□□□□□思

議既畢□□□□□□□□□□以傳不朽□□□□□□

□□而上□□□□□□□□□□九□□□六道□

天寶十二載十月廿五日建

□王□□□□□□□弟子□□□□□娘供養三行在右  
佛像右旁

圓滿空明盧舍比佛浮圖主王晉供養三行在中  
佛像右旁

□□菩薩夫□□大娘□□□供養三行在左  
佛像右旁

右中臺山石浮圖之一面浮圖主王晉以妻亡捨

資造立因爲之記無撰書人姓名琬公者隋大業

閒沙門靜琬也靜琬承北齊慧思大師法付普鑄

衆經今石經洞經刻百四十餘石皆琬公初迹云

感愬文

刻石像上截高一尺廣一尺三寸八分十六行行十五字字徑五分正書

感愬文

余 慈親二品孫樂安孫氏量必

天合器与代

殊惟德是脩惟明是貴不以榮華為樂不以豪貴為雄

澄心如不戴之門求真習道 慈親春秋吐有九以天

寶十一載夏六月庚寅大漸弥留徵方勿藥薨於別業

神容儼然不知何賢人變易生死也 父痛 慈親先

世有恨未亡遂捨雄豪發菩提志稽首以信微妙法清

淨操心造九級浮圖□中臺也嗟乎閔予不祐慈訓早

違軋景外臨陰義內猷英二妹細小花萼偏遺雖活明

時毀滅無異 父以英弟妹偏露驚違匪甯遂督繼親

北平縣君宏農揚氏性敦柔潔膺錫中和花萼痛聞號

天擗踴刻銘微志以布腹心 張令忠妻謝

男敬仙敬賓

敬暉同供養

導師菩薩晉先亡妻二品孫樂安孫氏供養 此二行刻像右

虛空藏菩薩晉女春娘女鸞娘為亡母供養 此二行刻像左

六姨玉田榮氏男女等供養

七姨玉田榮氏男女等供養 以上二行刻虛空藏兩行之上方

右一面文為晉子英所撰晉妻孫氏稱二品孫者

猶梁府君碑稱四品孫五品孫也竹汀先生跋梁府君碑引唐書選舉志三品以上蔭曾孫五品以上蔭孫孫降子一等謂朱賓鄭莊二人法當蔭敘而尙未得官故以四品孫五品孫署銜然則此二品孫者亦蔭未得官之稱當是晉之署銜然以加於婦人初見於此未可遽爲金石之例六月庚寅非十五卽十六日是年五月丙午朔也怨作𢇛段氏云班馬字類韻會皆引史記封禪書百姓𢇛其法字作𢇛今史記無此字者此字亡矣廣韻云同怨



感浮圖詩二首 一三行行十一字一五行  
行九字字徑八分正書

感石浮圖

樹福金巖頂粧巖琢石成真容繪羨素圖鏤萬年榮 此詩

在塔門外  
上截之右

感石浮圖 琉璃彫瑩羨圖真琢玉成神功呈百福含

聚曰光明輪寶□霄壯珠瓔鏤石晶感□巖父志竭力

為先靈 此詩在塔門  
外上截之左

二詩不著撰人名當是英輩所作

安祿山題名 字徑八  
分正書

皇帝供養 御使大夫安

皇右供養

祿山供養

二行在感石浮圖詩之右

安祿山三字後人惡其名而鑿之然尙可辨識

李時用德政記

刻石像上截高一尺二寸五分廣一尺三寸五分十六行行十五字前後

各三行讓去下截題名各短五字字徑七分正書

朝散大夫守歸德郡太守兼諸軍事魯國公上柱國

李

公諱時用武可濟代文以匡人刑示蒲□駟鷄政令寮庶畏愛何賢如之英□公賢愚之道或万有一通而貴賤之階宛天將地□德□淮海祿重邱山但竊慕公侷時濟代之風潛窺爲政未嘗見公臨人有一獄不慎有

一訟不審有一屈可謂德政也公爲國安人雅風訓俗  
至於詞人才子渴詠公雄文碩德洪儒□□公高□至  
於遐迩洋洋乎盈耳也□□□之□□瞻應□澄寶劍  
之光紆□□□□□□君人之惠□□電□□□□  
揆□徵敢□□□□□□□□將來

救□菩薩晉長子英次子萱次子薰爲母供養二行在像右字

徑一寸

善護菩薩晉弟晃弟詵妹五娘供養二行在像左字徑一寸

右一面文亦英所撰按唐書地理志幽都本薊縣  
地武德元年置燕州天寶元年改爲歸德郡建中

二年為朱滔所滅因廢為縣王晉造浮圖時李時  
用方守是郡英頌其德政附刻於此濟世臨民改  
用代字人字避太宗諱也

雲門山造像三段

在益都

王元恭題記 高三寸九分廣一尺四寸三分十  
九行行字不一字徑五分正書

□性千秋供養

□性壽小供養

亡男□其供養

□□知金供養

□元恭供養

□過父□忠供養

大唐天寶十二載歲次癸巳十一月戊戌朔廿一日丁

巳清信士王元恭敬造盧船像一鋪上為國王帝主師

僧父母七代先亡見存眷屬法界蒼生咸同斯福 母

郭供養

□崔供養

趙開東母仇供養

妹伴娘供

養

女陳娘供養

山左金石志載此分爲二段一作□性千秋供養  
六行一作天寶十二載十一月清信士□□□造  
象記十三行以余審之造象者王元恭中列記文  
前後列供養題名自中而左右分次之實只一刻  
也文云戊戌朔廿一日丁巳朔日戊戌則丁巳是  
廿日差一日矣通鑑目錄是年月朔十戊辰十二  
丁卯十月小盡則十一月朔值丁酉廿一日正值  
丁巳十月大盡則朔日正值戊戌二者必有一誤

也山左志以丁已為戊口并缺王元恭名審未的耳盧彫像盧下脫舍字平津讀碑記誤恭為素壽即壽字洪氏釋作哥亦誤壽下一字洪作悟

王昨題字高二寸廣八寸五分十行行二字末行三字字徑六分正書

故人王昨敬造无量壽像一軀顏生仏国及法界衆生

首題故人蓋生存願造者佻人續為之也此與下

一種似皆唐以前刻姑從山左志附前刻之後

尼世僧圓滿題字高八寸廣五寸四行行字不一字徑五分正書

比邱尼世僧造像一軀為師僧父母及法界衆生 比

邱尼圓滿造像一軀顏供法界衆生同生佛国

山左金石志雲門山造像尙有天寶十一載季思敬造供養像十二載二月清信士造彌陁像定光像北海縣尉李栖梧記四段平津讀碑記有天寶十二載依智口造像依六妻宮清讓造像二段皆未得搨本

內侍張元忠妻令狐氏墓誌

方一尺七寸二十行行二十  
字字徑八分行書在長安

唐故銀青光祿大夫行內侍貲外置同正貲上柱國張公夫人鴈門郡夫人令狐氏墓誌銘 并序

惟天寶十有二載十一月四日夫人卒於京兆府殖業

里之私第嗚呼時載六十有三若夫人之姓裔自乎太原處嬪于室凡廿載矣夫人進對工繡以備於賓祭

先祖恭具於膏澤正之以容貍不以悅已怡色事上撫下允穆謙和愛子如生育人無怨夫張公諱元忠任太中大夫賜邑爲鴈門郡君後進銀青光祿大夫遂加号爲鴈門郡夫人也不意回由運改福謝緣踈夫去天寶九載五月十三日卒於河南府里之第宅次載就塋于京兆府三原縣之兮界自阻已浚念趣來緣每宏慈悲常思不忘以夫先偶同事幽泉又歲月無良遂別塋壤衆子未窶莫能再榮嗚呼人道所悲傷矣以今載十



二月四日遷殯於京毘府長安縣龍首鄉之原也代移世久墳壠摧殘刻石爲銘媿叙夫人之德銘曰

食邑之家

捨於珠璣

簪纓之族

衣無重綵

六行所備

四德兼載

謹慎閨門

善音無壞

太山南指

渭水東邁

歲月蒼蒼

記之永代

此誌無書者姓名驗其筆迹與張希古誌絕似亦鴈門田穎書也夫人夫元忠食邑鴈門希古食邑馬邑皆在今山西大同府穎籍其地故爲書誌二張蓋族人

人也誌中貌作狼怨作怨自阻以後阻當作殂宦作

窟善作善擢作權代易世久世字不避太宗諱闕筆  
去天寶九載去當作以然唐誌以去作以字用者甚  
多僧思道誌云去至德二載春秋八十有一解進誌  
云去元和四年三月四日疾終尹澄妻朱氏誌云去  
開成四年告終於私第皆是如此蓋當時習俗相沿  
有此用法也

古誌  
石華

按鴈門郡夫人令狐氏乃內侍張元忠妻元忠先有  
偶令狐其繼室也唐時內侍皆有室史稱高力士娶  
呂元晤女李輔國娶元擢女其見於碑志者有吳文  
妻李氏李輔光妻輔氏王守琦妻張氏謝氏與夫別

瑩而銘墓者創見於此銘曰太山南指太山卽太華山也垂拱元年武后避祖諱改華州爲太州華陰縣爲仙掌見元和郡縣志後雖復舊俗尙相沿故稱華山爲太

山耳金石續編

石華載此誤殖業爲置業善音爲善意文云去天寶九載去猶言往也與下今載字相對史傳中言去某年去某月者不勝枚舉碑版中亦復不乏黃氏謂以去作以字用且云習俗相沿失之甚矣

優婆姨段常省塔銘

高七寸七分廣一尺一寸三分十六  
行行十一字字徑六分方界格正書

唐故優婆姨段常省塔銘 并序

蓋聞宿殖勝曰生逢政教仰尋師友意達直心學普敬  
 法門慕不輕密行貞心守志塵俗不污其情性等虛空  
 證真如之境獨拔愛網散世榮華□薩埵雄悲重迦文  
 之妙典火宅之內駕馭三車捨內外之財望三祇願滿  
 春秋七十有六以天寶八載九月十日卒於私第捨報  
 歸林以天寶十二載建塔於茲知神魂而不固其詞曰  
 妙慧歸真德超上智慈悲起行忠孝無二散故重新心  
 存劉志宿殖德本動靜合理 女劉三娘建  
此五字在其詞

下曰

栖巖寺智通塔銘

高二尺廣二尺六寸五分廿七  
行行字不一字徑七分書

大唐栖巖寺故大禪師塔銘

龍興寺主沙門復珪撰

惟佛有覺海酌其流者爲得一佛有慧日赫其照者爲  
至道夫能航逝川適寶所者吾師矣師諱智通姓張氏  
虞鄉七級人也童年有濟世之量請益於大智尊者晚  
節當付屬之重善誘我堯之封人 天与清和聲振開  
輔粉藻德行澄滅使流降心魔嚴道品砥操勵能終朝  
獨王前刺史裴寬以師繼然一燈請傳覺印後太守韓

朝宗以師道高五衆請師爲僧寶非隨侯明月難掇有  
卞氏連城僧價不其然乎於是雲峯之下軒冕如川巖  
花之前握衣成市除沙鹵之株杌甘露清田酌肥臙之  
菁華醜醜灌頂行有餘力綴已惠人綆汲群蒙衣珠密  
繫使夫股肱之人一變至于道者十八九焉嗚呼世界  
無常生靈起滅將示絕絃之迹俄增遷奪之痛翌日不  
救藏舟夜□以天寶十載十一月廿七日終於住寺春  
秋六十有九爲馱毒而歸休耶爲傳薪而火戚耶生々  
之与化々其可左右門人有奢花之痛道俗懷苦海之  
憂寺主令眞師之同志恨寶渚無梁衢樽莫挹鸚林墜

月狂爲易奔与弟子惠照饒益寺上座崇道等異佛影  
之猶存以封灰而建塔俾傳能事授手於子復珪辱在  
緇門豈忘提拙銘曰 開示佛乘住無所住傳衣佛

國去無所去拯洽四流梯航六度誰其悟入我師調御  
其一 行佛能事、果而注水竭龍移山空澗響灰封殞

塔珠沈帝網留影雞峯提河列像 其二 啜泣之痛潸然

灑地蘭若空厓緇林殍悴闕水葺舟藤塋及隧豈惟羊

祜方稱墮淚 其三

天寶十三載甲午歲六月三日寺之創新鍾之

晨建

造塔大匠京地王光 河東張伽刻字

內常侍孫志廉墓誌 天寶十三載六月八日 茲編載卷九十

府君 王氏攷補孫字 冥寔之君 脫之 白圭無玷 玷誤

又末句千秋不口所缺似是改字

誌云終於來庭里之私第高福劉遵禮誌皆云來庭

里蓋當時內官聚居於此里誌為申堂構撰元和姓

纂丹陽申氏狀稱申不害之後陳有南徐州申禹禹

八代孫堂構唐虞部員外郎 平津讀碑記

安鄉郡長史黃撫妻劉氏龕銘

高一尺一寸五分廣一尺六寸廿五行行十八字字徑四分正書存洛陽存古閣



大唐故安鄉郡長史黃府君夫人彭城劉氏龕銘

并序

少弟宣義郎前行濟陰郡成武縣尉庭珪述

昔貴立德立言垂軌垂訓光而不朽其在茲乎夫人諱  
字彭城人也擾龍肇裔斬蛇丕緒保姓受氏不隕其名  
曾祖行之唐蒲州永樂縣丞祖延祐安南都護父含章  
雍州長安縣尉乃祖乃父克岐克嶷文史縱橫衣冠疊  
耀夫人柔儀穎晤淋問載馳年纔既笄歸于江夏黃攜  
公歷試郡縣懷寶無時屈已從人推財重義挹醜酬之  
正味□般若之妙門爰寫藏經或崇塔廟夫人虔事舅  
姑恭勤夙夜內則罔墜中閨聿脩男女二人不幸早爰

掌失□珠帷空弄玉若放之鬼不其餒而伯道之魂

天何歿嗣既而煢居累載靜念安神五福暫憊百齡

俄奄以 天寶十三載□月廿一日寢疾終於東京

宣教里之私第春秋六十有九嗚呼哀哉卽以其載□

□□日塋於龍門南西山淨土村太平□律師之塔北

長史之龕傍合祔禮也九原□愴逝矣難追兩劔悲鳴

翻然與曉庭玲□宦夢聞袞苦交集雪涕援翰實曠徽

音偉蘭菊之長存藹金石之無替銘曰

龍門峨峨兮白水湯湯鶴林清清兮元室光光矧伊人

兮宅地□幽魂兮冥茫何千齡兮奄忽緬萬古兮垂芳

右黃攜妻劉氏墓誌在洛陽存古閣標題列銜稱  
安鄉郡長史檢新唐書地理志有安鄉縣而無安  
鄉郡按再攷夫人之祖爲蒲州永樂縣丞攷蒲州  
即河中府河東郡武德三年徙治河東開元八年  
置中都爲府是年罷都復爲州乾元三年復爲府  
永樂縣武德元年置本隸芮州州廢隸鼎州貞觀  
八年屬蒲州後又隸虢州神龍元年復此稱蒲州  
永樂縣則行之爲丞當在未隸虢州以前夫人之  
祖爲安南都護府本交阯郡武德五年曰交州調  
露元年曰安南是延祐爲都護在調露以後撰文

者夫人之弟列銜稱濟陰郡成武縣尉成武始隸  
戴州貞觀十七年州廢乃屬曹州濟陰郡

含暉巖殘刻

石存一角高廣不計存三行行  
字不一字徑寸餘正書存道州

右者

陵含暉巖皆一

寶乙未四月朔題

右含暉巖殘刻在道州湖南省府志均不載近始  
搜得之乙未上寶字尙存大半昔下亦見天字首  
筆其爲唐刻無疑乙未爲天寶十四載宋之開寶

不值乙未也明統志云含暉洞在州南五里一統志云石洞如屋東西兩門內有泉從石罅出極清冽卽其地也劉禹錫嘗作文記之刻銘洞陰今未見

武部常選韋瓊墓誌

高一尺四寸五分廣一尺四寸九分廿行行廿字字徑五分方界格行書在長安

唐故武部常選韋府君墓誌銘并序

廣文館進士范朝撰

君諱瓊字瓊京地杜陵人也漢棻崇盛丞相乃擅其名唐業克昌逍遙遂因其号君之苗稟即其後也

曾祖元整 皇中大夫使持節曹州刺史上柱國

祖綝 皇益州成都縣令 父景皇廣平郡

肥鄉縣令並箕裘嗣業弓冶克傳殷仲文之風流潘安  
仁之令譽君幼年好學書劍兩全莫郊詵之登科慕斑  
趙之接筆封侯未就遘疾俄臻神草無徵靈芝靡驗以  
天寶四載十二月廿九日終于濠陽郡九隴縣之私第  
春秋卅有六嗟乎梁木斯壞哲人其萎織婦罷機春人  
不相以十四載五月十三日卜墓於長安縣永壽鄉畢  
原耐 先塋禮也南臨太一北帶 皇城地勢起  
於龍虺山形開於宅地 允子署居喪有禮毀瘠劬勞泣

血三年絕漿七日輶車永掩奠徹長施恐筮短之龜長  
懼陵遷而谷徙式鑿貞石用紀芳猷乃爲銘曰

帝堯之襲豕韋之枝温恭其德澍慎其儀佳城鬱々王  
黍離々月懸新壟松疏舊碑墳塋改變陵谷遷移万古  
幽宅滕公瘞斯

右韋瓊墓志在長安首行標題稱武部常選天寶  
十一載改兵部爲武部武部常選者武職未除授  
之稱也誌敘韋氏先世云丞相乃擅其名逍遙遂  
因其號丞相者賢也漢丞相扶陽節侯逍遙者夔  
也後周逍遙公子孫遂稱逍遙公房志又云曾祖

元整皇中大夫使持節曹州刺史上柱國祖綝皇  
益州成都縣令父景皇廣平郡肥鄉縣令以新唐  
書宰相世系表證之元整爲萬頃之子隋州刺史  
達安公瓘之孫逍遙公夔之曾孫也表於元整之  
後皆闕而不載得此誌可以補其子孫曾元四世  
矣表又有名瓊者官考功郎中是別一人耳成都  
縣屬成都府蜀郡此稱益州者統言之廣平郡卽  
洺州屬河北道本武安郡天寶元年更名是景之  
令肥鄉已在天寶初年誌又云終於濛陽郡九隴  
縣之私第濛陽郡卽彭州屬劍南道垂拱二年析



益州置瓊爲杜陵人而有私第於九隴者以其祖  
令益州後乃流寓於彼邪

武部常選劉智妻孫氏合葬誌

方一尺六寸六分廿行行十九  
字字徑六分正書在諸城劉氏

大唐故劉君合葬墓誌銘 并序

進士張澆文 在標  
題下

君諱智字奉智其先彭城郡人也恭聞受友於夏受命  
於秦創庶天官化被江漠爰泊魏晉代列侯伯今爲京  
兆府涇陽縣人也曾祖寶 皇右領軍衛折衝都

尉祖敬左衛果毅都尉父柱右武衛長上折衝左羽林

軍宿衛粵國有二柄武有七德或干城以禦侮或腹心以衛

上友兄奉進見任銀青光祿大夫行內侍

省內侍彭城縣開國男食邑三百戶故當時君子曰積德積載奔棊冠蓋者也君承餘慶以謹身竭忠貞以旌義勲列餘羨武部常選享年不永春秋卅有五天寶二載九月十二日終於私第夫人孫氏淑慎凝禎柔儀婉變允感君子亘尔室家而脩短有涯早瘞幽壤以天寶十五載歲在涪灘五月甲寅朔十九日壬申合葬於京兆府長安縣國城門西七里龍首原龍門鄉懷道里嗚呼前矚終南良木其壤後臨清渭逝者如斯爰恐陵谷

遠遷天長地久勒茲幽石隻傳不朽銘曰

公侯之裔相傳孝悌有涯終極無朽功諱宅地增感豐  
碑墜淚悼泉雞之不鳴傷野鶴之空唳

右武部常選劉智妻孫氏合葬誌出長安土中劉  
智先世三代與劉奉芝同即奉芝之兄弟也惟父  
柱署官與彼誌稱贈將作監爲不同耳此誌共有  
三本初得一本字畫極肥疑爲僞作繼得一本較  
爲圓勁竊謂曩言之不妄矣甲戌夏見松坪所藏  
古誌聚存冊列有此種標題下方乃進士張邁文  
五字與題武功蘇靈芝書者絕異馳書詢之乃以

副本見詒且謂此誌出土劉燕庭先生得之攜以  
至浙存置淨慈禪寺兵火後不知存佚其題蘇靈  
芝書者乃陝中碑估翻刻改題以之欺人而易於  
牟利原石只有撰人並無書人名也甚矣見聞之  
宜廣而同志之講求尤不可少矣爰重錄而識之  
補訪碑錄載此爲蘇靈芝正書所據者亦贗作耳  
王日新妻造象殘刻

高存八寸七分廣二尺四分二  
行行字不計字徑七分正書

清信仙弟子王日新妻 缺

天寶 缺

右刻未審所在疑在石門房山

羅漢寺造象頌殘碑

三段一高九寸廣一尺九行一高七寸廣五寸五分  
一高廣均七寸七行行字均不一字徑七分正書在  
樂至

安岳郡樂至縣

神武皇帝陛下郡

八十種好觀音勢至部

□謹□生存之日用己家錢□

□斯福業用報聖恩

將報國同證善果

尋擬陽方古仕

則噴、郡鳥邕、

示捨之

緣 泮希去 弟一段後

空一行

郡鳥之郡當作羣

手山重石山脩一為法界

乃為頌曰 山勢魏峩 溪

厥同欽 其 寶飾真容

聽經說偈忻念洪通

其 弟一段後 空一行

過去如來世尊形像世

載住遂寧郡方義縣為

在家口生資不安隨□殃災

二為見存家口乞願平

□幽深俯瞰崑障峯嶺

良工天衣拂石羽蓋旋

□空近遠觀遺像

弟三段後空二  
行載即載字

右殘碑無攷蓋造象頌也中有神武皇帝字當是  
元宗時所立附天寶末羅漢寺唐之招提淨院也

心經殘本

高 十一行行二十八字 廣 書

經文不錄

載四月八日建

右碑上截失拓九字紀年稱載是天寶時刻時照見五蘊等皆空句較今本多一等字弟八行神咒之上據今本應缺十字以別行例之只缺九字不知所少何字

八瓊室金石補正卷五十八終